

Bosna i Hercegovina
FEDERACIJA BOSNE I HERCEGOVINE
FEDERALNI ZAVOD ZA STATISTIKU
SARAJEVO

PRAVILNIK O VRSTAMA I VISINI NAKNADE ZA USLUGE I PUBLIKACIJE
FEDERALNOG ZAVODA ZA STATISTIKU

Sarajevo, mart 2004. godine

Na osnovu člana 27. Zakona o statistici u Federaciji Bosne i Hercegovine ("Službene novine FBiH", broj 63/03), uz prethodnu saglasnost Vlade Federacije Bosne i Hercegovine, direktor Federalnog zavoda za statistiku donosi

PRAVILNIK

O VRSTAMA I VISINI NAKNADE ZA USLUGE I PUBLIKACIJE FEDERALNOG ZAVODA ZA STATISTIKU

I. OPŠTE ODREDBE

Član 1.

Ovim pravilnikom utvrđuju se vrste i visine naknada, način plaćanja te evidentiranje obračunate i naplaćene naknade za usluge i publikacije koje Federalni zavod za statistiku (u daljem tekstu: Zavod) obavlja i naplaćuje od korisnika usluga i publikacija.

Član 2.

Usluge se odnose na davanje podataka koji se zvanično ne objavljuju osim na pismeni zahtjev korisnika.

Član 3

Usluge Zavoda čine poslovi koji se odnose na obradu zahtjeva korisnika za određene statističke preračune i analize na osnovu podataka koji su prikupljeni ili publikovani, kao i obavljanje posebnih poslova po zahtjevu korisnika koji zahtjevaju dodatni rad Zavoda.

Vrste i visina naknada za usluge utvrđene su u članu 11. ovog pravilnika.

Član 4.

Publikacija Zavoda predstavlja štampano djelo statističkih rezultata i metodologija koji se primjenjuju i objavljuju u oblicima koji su pristupačni širokom krugu korisnika, u pisanom i elektronskom obliku.

Vrste i visina naknada za publikacije utvrđene su u članu 10. ovog pravilnika.

Član 5.

Usluge i publikacije Zavoda može uz naknadu dobiti svako pravno i fizičko lice (u daljem tekstu: korisnik).

Član 6.

Direktor Zavoda odgovoran je za potpuno i blagovremeno uplaćivanje svih naknada i prihoda na Jedinstveni račun Federalnog ministarstva finansija/financija - trezor (u daljem tekstu Trezor).

II. NAKNADA ZA PUBLIKACIJE I USLUGE

Član 7.

Korisnik može na osnovu zahtjeva, uz naknadu, dobiti podatke iz Zavoda u obliku izvotka, ispisa, kopije, knjige i u elektronskom obliku (na disketi 1,4 MB, ZIP-disketi 100 MB i na CD-u).

Zahtjev iz stava 1. ovog člana mora sadržavati sljedeće podatke:

- da je u pismenom obliku,
- da ima dovoljno podataka o prirodi ili sadržaju informacije (usluge) koja se traži,
- ime, prezime i adresu (za fizičke osobe) odnosno naziv i sjedište (za pravne osobe) podnosioca zahtjeva.

Član 8.

Publikacije se mogu nabaviti:

- kupovinom u Zavodu
- narudžbom Zavodu putem pošte, telefaksom i e-mailom .

Član 9.

Obrada zahtjeva vrši se u skladu sa Zakonom o statistici u Federaciji Bosne i Hercegovine .

Član 10.

Vrste i visina naknada za prodane publikacije utvrđena je prema sljedećem cjenovniku, i to

Red. Br.	Opis publikacije (vrste)	Cijena u KM za korisnike u BiH	Cijena u EUR za korisnike u inostranstvu
STATISTIČKE PUBLIKACIJE			
1	Statistički godišnjak/ljetopis	25,00	25,00
2	Mjesečni statistički izvještaj - "Statistički podaci o privrednim/gospodarskim i drugim kretanjima" - Federacija Bosne i Hercegovine	10,00	10,00
3	Mjesečni statistički izvještaj - "Statistički podaci o privrednim/gospodarskim i drugim kretanjima" - po kantonima Federacije Bosne i Hercegovine	10,00	10,00
4	Saopštenje/Priopćenje		
	- do 6 stranica	1,00	1,00
	- 7 do 15 stranica	2,00	2,00
	- 16 stranica i više	3,00	3,00
5	Statistički bilten - godišnja služba	15,00	15,00
6	Studije i analize	20,00	20,00

GODIŠNJA PRETPLATA ZA STATISTIČKE PUBLIKACIJE			
1	Mjesečni statistički izvještaj - "Statistički podaci o privrednim/gospodarskim i drugim kretanjima" - Federacija Bosne i Hercegovine - 12 brojeva	110,00	110,00
2	Mjesečni statistički izvještaj - "Statistički podaci o privrednim/gospodarskim i drugim kretanjima" - po kantonima Federacije Bosne i Hercegovine – 12 brojeva	110,00	110,00
DISEMINACIJA PODATAKA IZ PUBLIKACIJA			
1	Disketa 1,4 MB	10,00	10,00
2	ZIP-disketa 100 MB	50,00	50,00
3	Publikovani/Publicirani podaci: - do 30 stranica - 31 do 60 stranica - 61 do 100 stranica - 101 do 300 stranica - 301 do 400 stranica - 401 stranica i više	5,00 8,00 12,00 20,00 35,00 50,00	5,00 8,00 12,00 20,00 35,00 50,00

Član 11.

Vrste i visina naknada za izvršene usluge utvrđena je prema sljedećem cjenovniku, i to

Red. Br.	Opis usluge (vrste)	Cijena u KM za korisnike u BiH	Cijena u EUR za korisnike u inostranstvu
STATISTIČKE USLUGE			
USLUGE STRUČNIH ODJELA			
1	Sat rada stručnog odjela	20,00	20,00
USLUGE CENTRA ZA AUTOMATSKU OBRADU PODATAKA I ODSJEKA ZA REGISTRE			
1	Prijepis na disketu - po disketi	15,00	15,00
2	Prijepis na ZIP-disketu - po disketi	50,00	50,00
3	Prijepis na CD - po disku	40,00	40,00
4	Prijepis i slanje elektroničkom poštom (do 1,4 MB)	15,00	15,00
5	Pojedini slog Registra poslovnih subjekata - do 20 slogova - od 21 do 50 slogova - od 51 do 100 slogova - od 101 do 500 slogova - od 501 do 1.000 slogova - od do 1.001 do 10.000 slogova - od 10.001 do 25.000 slogova - od 25.000 i više	10,00 po slogu 5,00 po slogu 2,00 po slogu 1,00 po slogu 0,50 po slogu 0,25 po slogu 0,15 po slogu 0,07 po slogu	10,00 5,00 2,00 1,00 0,50 0,25 0,15 0,07
6	Obrada podataka iz statističkih istraživanja i Registra poslovnih subjekata - obradna tabela sa jednim pokazateljem /po tabeli/ - obradna tabela sa dva ili više pokazatelja /po tabeli/	30,00 100,00	30,00 100,00
7	Prepis iz Registra poslovnih subjekata: - Obavještenje o razvrstavanju pravnih lica prema djelatnosti - Obavještenje o razvrstavanju jedinice u sastavu	20,00 20,00	20,00 20,00

	pravnog lica po djelatnosti		
	- Obavješete o razvrstavanju obrta prema djelatnosti	20,00	20,00
	- Obavještenje o razvrstavanju jedinice u sastavu obrta po djelatnosti	20,00	20,00
	-Obavještenje o razvrstavanju predstavništava stranih lica iz Registra poslovnih subjekata	20,00	20,00
	- Obavještenja o brisanju iz Registra poslovnih subjekata i Registra obrta	20,00	20,00

Član 12.

Pored naknada za obavljanje usluga utvrđenih u članu 11. ovog pravilnika Zavod može korisnicima usluga također zaračunati i druge stvarne troškove koji nisu navedeni u ovom pravilniku, ako je to posebno dogovoreno sa korisnikom.

Obračun usluga iz stava 1. ovog člana vršit će se na osnovu zaključenog ugovora, kojim će se utvrditi stvarna cijena obavljenih usluga.

Član 13.

Publikacije i usluge koji se daju na službeni zahtjev organa vlasti i drugih institucija Bosne i Hercegovine, Federacije Bosne i Hercegovine, kantona, grada i općina, daju se bez naknade.

Član 14.

Direktor Zavoda može izuzetno, u pojedinačnim slučajevima publikacije ili usluge iz člana 10. i 11. ovog pravilnika dati naručiocu po nižoj cijeni ili bez naknade ako je to u interesu unaprijeđenja statističke djelatnosti.

III. NAČIN PLAĆANJA I EVIDENTIRANJE OBRAČUNATE NAKNADE

Član 15.

Naknade za obavljene usluge i publikacije Zavod naplaćuje u skladu sa Zakonom o trezoru u Federaciji Bosne i Hercegovine («Službene novine Federacije BiH», broj 58/02).

Član 16.

Naknade se mogu uplaćivati u gotovom novcu u Zavodu ili uplatom putem pošte ili banke na račun Trezora.

Naknade uplaćene u gotovini, Zavod je dužan uplatiti na Trezor polaganjem na depozitni račun, kao pazar i to najkasnije narednog radnog dana.

Za prihode ostvarene u gotovini Zavod je dužan izdati račun korisniku.

Član 17.

Naknade za usluge navedene u članu 11. ovog pravilnika naplaćuju se unaprijed, a korisnik plaća naknadu na osnovu obavijesti o ukupnom iznosu naknade.

Član 18.

Naknade za publikacije navedene u članu 10. ovog pravilnika, korisnik (pravno lice) je dužan platiti u roku od 15 dana od dana dostave fakture.

Naknade iz stava 1. ovog člana korisnik (fizičko lice) dužan je platiti odmah po preuzimanju.

Član 19.

Za usluge i publikacije koje korisnik plaća putem pošte ili banke obavezan je dostaviti Zavodu dokaz o izvršenoj uplati.

Član 20.

Dokumentaciju iz Zavoda korisnik može preuzeti na osnovu dokaza o plaćenom računu.

Svaki izdati račun evidentira se prema vrsti prodane publikacije i vrsti obavljene usluge.

IV. PRIJELAZNE I ZAVRŠNE ODREDBE

Član 21.

Zahtjevi za davanje podataka podnešeni do dana stupanja na snagu ovog pravilnika koji nisu riješeni, riješit će se po odredbama ovog pravilnika

Član 22.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj/04
..... 2004. godine
Sarajevo

DIREKTOR:

Derviš Đurđević